

8891



ՀԱՍՏԱՏՈՒՄ ԵՄ՝
Շրջակա միջավայրի նախարար

Համբարձում Մաթևոսյան

«08» 08 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 203 - 25

Նախաձեռնող՝

«ՕԳՕ» ՍՊԸ

Երևան, Ալիխանյան փ. 12 շ., բն. 2

Գործունեությունը՝

Արտաշատ համայնքի Շահումյան բնակավայրում
Երևան-Երասխ մայրուղու 18-20 կմ 1/3 հողամասում
նախատեսվող հեղուկ վառելիքի լցակայանի կառուցում
Արարարի մարզ

Առդիր՝ 5 թերթ



Նախատեսվում է կառուցել ավտոմեքենաների հեղուկ վառելիքի լիցքավորման կայան, որտեղ տեղադրվելու են հեղուկ գազի, բենզինի, դիզելադիզելի լիցքավորման մեկական սյունյակներ: Լիցքավորման սյունյակները տեղադրվելու են շվաքարանների տակ: Կառուցվելու է 6.5 մ³ տարողությամբ հեղուկ գազի ստորգետնյա պահեստ և բենզինի ու դիզելային վառելիքի կիսագետնափոր պահեստ՝ 4 հատ մետաղյա բաք (յուրաքանչյուրը 5,0 մ³ տարողությամբ): Տեղադրվելու են երկու մետաղյա բաք՝ յուրաքանչյուրը 15,0մ³ տարողությամբ, հակահրդեհային ջրի կուտակման համար, ինչպես նաև կառուցվելու է բաց ջրավազան՝ 10.0 մ³ ջրի տարողությամբ և ստորգետնյա 120մ³ ծավալով հակահրդեհային ջրավազան: Կառուցվելու է մեկ հարկանի վարչական շենք՝ 18,0 մX6,0 մ արտաքին չափսերով: Վարչական շենքում նախատեսվում է տեղադրել՝ լցակայանի ղեկավարման կետը, աշխատասենյակ, աշխատողների հանգստի սենյակ, սանհանգույցներ աշխատողների և հաճախորդների համար, պահասենյակ և պարզագույն ապաստարան: Լցակայանի տարածքը շրջակայքից մեկուսացվելու է ցանկապատով:

Ճանապարհների և փողոցների խաչմերուկներում տեսանելիության եռանկյունիների հավասարապատում սրունքների չափը, տրանսպորտ-տրանսպորտ փոխհատման դեպքում 60 կմ/ժ արագության դեպքում համապատասխանաբար ընդունվել է 40 մ-ից ոչ պակաս հեռավորությամբ:

Համաձայն հաշվետվությունում ներկայացված տեղեկատվության, բնակելի շինությունների ներսում աղմուկի մակարդակը կկազմի 10.62 դԲ, ինչը նորմայից բավականին ցածր է:

Հեղուկ վառելիքի լիցքավորման կայանի ջրամատակարարումն իրականացվելու է համաձայն «Վեոլիա Ջուր» ՓԲԸ-ի կողմից տրված տեխնիկական պայմանների:

Խմելու ջուրը շինհրապարակ կմատակարարվի ջրի տարաներով՝ համաձայն պայմանագրի:

Կենցաղային կեղտաջրերը կոյուղու բակային ցանցի միջոցով ուղղվելու են 8 մ³ ծավալով կեղտաջրերի անջրթափանց հոր, որտեղից հատուկ մեքենաներով հեռացվելու են կոյուղու ցանց, համաձայն պայմանագրի:

Անձրևների ժամանակ առաջացող շինարարական հոսքաջրերը կուղորդվեն շինհրապարակին կից գտնվող 25մ³ ծավալով պարզարան, որտեղ մեխանիկական նստեցումից հետո պարզեցված ջուրը կօգտագործվի տարածքի ջրցանման համար, իսկ փոքր քանակներով նստվածքը կհեռացվի որպես շինադք:

Էլեկտրամատակարարումը նախատեսված է համաձայն «ՀԷՑ»-ի կողմից տրված տեխնիկական պայմանների:

Շինարարական աղբը՝ 120կգ զանգվածով, ամբողջությամբ, տեղափոխվելու է տեղական ինքնակառավարման մարմինների կողմից հատկացված վայր: Բնակելի թաղամասի շահագործման ընթացքում կառաջանա կենցաղային աղբ, որը պայմանագրային հիմունքներով կտեղափոխվի համապատասխան ընկերության կողմից:

Շինարարական աշխատանքների ավարտից հետո նախատեսվում է կանաչապատել և բարեկարգել տարածքը: Կանաչապատվող տարածքի մակերեսը կազմելու է 429.3մ²: Տարածքի ոռոգման համար նախատեսվում է կազմակերպել ցնցուղային ոռոգման համակարգ: Կանաչապատման աշխատանքների իրականացման համար անհրաժեշտ 200մ³ հողաբուսաշերտի ձեռքբերման վայրը կհամաձայնցվի տեղական ինքնակառավարման մարմինների հետ: Կանաչապատումը կիրականացվի ՀՀ կառավարության 2018թ փետրվարի 8-ի N 108-Ն որոշման դրույթներին համապատասխան:



Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

աղմուկի և թրթռման մակարդակի մշտադիտարկումներ՝ երեք ամիսը մեկ
առաճախականությամբ:



Բնապահպանական միջոցառումների և մշտադիտարկումների իրականացման համար նախատեսվում է մասնահանել 1320 000 ՀՀ դրամ:

Ըստ հաշվետվությունում եղած տեղեկատվության՝ հայցվող տարածքում ՀՀ բույսերի և կենդանիների Կարմիր գրքերում գրանցված տեսակներ, պատմության, բնության հուշարձաններ առկա չեն:

Պատճառաբանական մաս. Օրենսդրությամբ սահմանված կարգով՝ Արարատի մարզի, Արտաշատ համայնքի Շահումյան բնակավայրի Երևան-Երասխ մայրուղի 18-20կմ 1/3 հողամասում նախատեսվող հեղուկ վառելիքի կայանի կառուցման վերաբերյալ իրականացվել են հանրային լուծումներ Արարատի մարզի, Արտաշատ համայնքի Շահումյան բնակավայրում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախագծով նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, ինչպես նաև Արարատի մարզպետարանը, Արտաշատի համայնքապետարանը, կադաստրի կոմիտեն:

ՇՄԱԳ-ին կից փաստաթղթերում ներկայացվել է Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի ղեկավարի տեղակալի կողմից 2025 թվականի մարտի 11-ին տրված N 6842-25 եզրակացությունը:

Ստացված դիտողություններով և առաջարկություններով հաշվետվությունը լրամշակվել է:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմերի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Կառուցապատման աշխատանքների իրականացման ընթացքում խստագույնս հետևել ՇՄԱԳ հաշվետվությունում ամրագրված բնապահպանական պահանջների և միջոցառումների իրականացմանը՝ ըստ հաշվետվությունում ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:
2. Նախատեսվող գործունեության իրականացման ընթացքում՝ ՀՀ օրենսդրությամբ սահմանված կարգով, պահպանել արտակարգ իրավիճակների և աշխատանքի անվտանգության կանոններն ու նորմերը:
3. Բետոնի տեղափոխումն իրականացնել ՇՄԱԳ հաշվետվությունում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:



4. Շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով՝ Արտաշատի համայնքապետարանի հետ համաձայնեցված:

5. Կառուցապատման աշխատանքների ժամանակ պահպանել արտանետվող փոշու և առաջացող աղմուկի ու թրթռումների ՀՀ օրենսդրությամբ սահմանված թույլատրելի մակարդակը:

6. Շահագործման ընթացքում հնարավոր պատահարները բացառելու և կանխարգելելու նպատակով ապահովել տեխնոլոգիական սարքավորումների, տեխնիկական միջոցների, օբյեկտի կառույցների, տեղակայանքների պարբերական տեխնիկական զննումներ, ինչպես նաև կազմակերպել աշխատողների ուսուցում և որակավորման ստուգում:

ԵԶՐԱՓԱԿԻՉ ՄԱՍ

«ՕԳՕ» ՍՊԸ-ի կողմից ներկայացված Արարատի մարզի Արտաշատ համայնքի Շահումյան բնակավայրի Երևան-Երասխ մայրուղի 18-20 կմ 1/3 հողամասում նախատեսվող հեղուկ վառելիքի լցակայանի կառուցման շրջակա միջավայրի վրա ազդեցության գնահատման հաշվետվությանը տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝

Գոհար Մինասյան